

中国古今医案类编

儿科病类

主编 鲁兆麟 严寄澜 王新佩

中国建材工业出版社

<http://www.klrs999.cn/> hbtmxxy

中国古今医案类编

儿科病类

主编 鲁兆麟 严寄澜 王新佩

中国建材工业出版社

是前三日，因为前三日发热最烈，小儿因苦热极，往往自动掀被，看护必须昼夜轮班看守。后三日发热减轻，小儿无自动掀被之事，故看护之责任较轻。总之，此六日内，多由小儿自动掀被误事，看护之职务，专以防其掀被为唯一之目的。盖当痘麻出表时，必身发大热，当身发大热时，最忌迎凉取冷，倘被冷风侵袭，将身热退入脏腑，其痘麻亦收回脏腑，其死必矣。所以此六日内，小儿之生命，全在看护。此事自古无人道破，是以因看护疏忽误事者，不知若干。今而后，若能将此事认真，又得良医用方合法，愚敢断言可保十全也。

《圣方治验录》

初生儿脐突

李铎

江坊江述先子，方弥月，患脐肿突，光亮如水泡，啼哭不宁，小水短少。余用杏仁、通草、紫菀，重用生地、竹叶、甘草等味煎服；外以二豆散敷脐四旁，小水即通，脐突略消。不二日脐竟全收，病亦全安矣。

《医案偶存》

初生儿目疾

薛铠

一小儿自生后，两目赤肿，或作痒，或生翳，此胎禀肝火，用芦荟丸、六味地黄丸而痊。

《保婴撮要》

赵海仙

履鰲有孙，初生两目障翳如青膜，弥月不消，用蜘蛛目和地栗

汁，每日服之，日二服，历三月余障翳全消。

《寿石轩医案》

初生儿猴疳

曹沧州

陈，猢猻疳延腐并起板牙，此胎火也，法宜清化。

小川连 银花 丹皮 连翘 鲜生地 甘中黄 土贝 泽泻
生粉草 归尾

李，猴疳渐走七窍，胎火深重，急须清化。

遍犀角(磨冲) 甘中黄 丹皮 青果 鲜生地 锦纹大黄
泽泻 赤芍 小川连

《曹沧州医案》

温病

李铎

许，十一，热病，已经汗下，热退而脉仍躁疾不衰，是为太忌。且烦躁不寐，唇紫燥裂，鼻干，舌苔焦黄，大渴引饮，腹痛不食，小便短赤，大便溱黄，论病尚在阳明胃府，热极见症。但两进攻下而头额汗出，未敢再投，恐阴气下竭，阳虚上脱之虑。法宜清里泻热，议与白虎法，以质高明。

煨石膏 知母 洋参 麦冬 甘草 晚粳米 雪水煎

又 进白虎法，躁热逆候已缓，脉亦略平，已属捷效，足见前诊不谬。据述腹中烦苦，莫能言状，口尚燥渴，乃余热未清，津液已乏之象，拟方仍从甘寒，佐以苦辛。

洋参 麦冬 生地 知母 竹叶 甘草 石膏 粳米

热病汗下后，宜脉静躁减，而脉症仍然躁急，治稍差错，恐防不

者，邪气深难已，一日一发者，疟气浅易愈。午后发者，邪在阴分难已。午前发者，邪在阳分易愈。今自三日，移至一日，自阴分移至阳分，故云将退之渐也。时有丁医闻其说，笑曰：那得许多议论，吾有秘方，治疟如神。遂求治之，不知其所用何物。自此仍三日一发，发以西时至次日已后始退，万仍为调理，一月而愈。

《续名医类案》

孙文垣

丁氏子，才二岁，患疟母，上壅咳嗽。每午后发热，至子丑成时乃退。终日啼哭不止，鹅口白屑，神气大弱，又痘后遍身疮疥未愈。诸医有灸之者，有刺之者，有以膏药贴之者，种种施之不应，孙曰：乳下婴孩，脏腑脆薄，不可乱攻乱补，参芪足以增其欬，灸刺适以惊其神，安能取效。教以白术、陈皮各八分，乌梅一个，贝母、知母各六分，甘草三分，八贴全愈。

《续名医类案》

水鉴仙人

百日儿疟歌云：疟是邪风寒热攻，直须术治免成空，常山刻作人形状，钉在孩儿生气宫。如金生人，金生在巳，即钉巳上。木生人，钉亥上。火生人，钉寅上。水生人，钉申上也。常山乃截疟之药。

万密斋外孙未周岁，因伤食发间日疟。在子丑时，发则搐咬牙呻唤，大便黄绿，努而出，以口吮母，口得乳即止，疟后汗出心下跳，腹中鸣，顶微热，未十日成疟矣。面色㿖白，腮颊陷发疏，见渐羸瘦。此先受暑湿，暑则为疟，湿则为痰，又伤饮食，脾土衰而肝木旺。疟曰食疟，疳曰食疳。用加减当归龙荟丸、加味参苓白术散。其母服四物汤，加柴胡、升麻、麦冬、木通、酒芩、桔梗各五分，薄荷七分，灯草水煎服而愈。

一儿病疟，医以柴苓汤投之，二三日不效，乃用平疟养脾丸而

营伏热与肠秽。

鲜沙参七钱 川连八分 淡芩炭二钱 知母钱半 生石膏九钱
生地榆五钱 鲜生八钱，洗 银花三钱，同打 侧柏炭三钱 黑山栀三钱
柴胡六分 夜明砂六钱 白头翁五钱 益元散四钱
甜茶四钱，姜汁炒。

另葶草二两 楮叶三两 地锦一两，洗 煎汤代水。

另炒槐蕊一钱 牛角腮二钱，煨 藕节炭一钱 化毒丹四分
研末，分三次冰糖汤送服。

五日诊：瘧疟经直清伏暴，且饮秋露，已大退，红痢转黄，溲赤，
脉数而弱，舌红较淡，鼻衄已止，干燥少涕，嗜卧神乏，正虚邪积未
清，还防虚变。

鲜沙参七钱 石斛四钱 炒麦冬三钱 白芍四钱 生地榆五钱
侧柏炭三钱 白头翁四钱 秦皮钱半 猪苓二钱 银花三钱
炒淡芩二钱 生甘草梢八分 戊己丸一钱。

此后痢减，服燕窝根汤，食加，渐愈。

《周小农医案》

张汝伟

黎瑾，女，年九岁，广东，住嘉善路三十二号，但热不寒，是名瘧
症。日晡而作，天明乃退，已有一周。脉细弦有力，大便亦一周未更。
苔糙腻尖绛，童体，热结于少阳阳明。拟大柴胡汤加减法，平肝清
热，导滞和中治之。

北柴胡 淡条芩各一钱 焦枳实 酒炒大黄 山栀仁
净连翘各三钱 炒白芍 广郁金各钱半 生姜一片 红枣三枚

二诊：进大柴胡法，热已退净不发，大便下行颇畅，惟色见红
薄，脘中隐痛不移，此由跳跃奔走，伤气又伤胃所致。苔薄黄，两旁
有紫筋。宜再疏营气，以清积热调之。

当归须 制香附各二钱 落得打 威灵仙 桃杏仁 连翘壳

汗？不食者，腹中热毒未出。今热而自汗津津，且咳喘涕泪，兼之倦怠，非疹而何？”仍只以内托表散之剂，其夜遂发疹遍身，头面愈盛，人事顿清，饮乳如旧。而次日复邀前医以竟其事。若斯人者，其亦可称具眼者耶？噫！世之食者伙矣。岂独一人而已哉！由此观之，恶足为怪。

《程茂先医案》

夏禹铸

思诚堂同学友，措大方薪衍第五郎患麻疹。初医者不知麻候，用六一散以除烧热。邀余过治，见其舌纯紫，两唇燥裂，大小二便皆秘，声嘶不已。即用黄连八分，木通、黄柏各一钱，服下。大便刮白，如冷痢然。在座者口吻，觉为凉剂所致。予亦踌躇满志，岂脏腑苗窍，此症独不相符？毫无首鼠。问前医退热，所用何剂。薪衍曰：六一散。予便恍觉下元为六一寒冷所滞，致火不降，灼无疑矣。随以炒盐。久熨脐下，仍用前味黄连，倍加服之，方下。大便燥结，与黑枣无异。可见苗窍辨真，治定不爽之一验也。

本邑陶一公涯玉之子，麻疹发热方两日，医人误为除热，麻伏不出，形状似惊，差役请予治。面以花杂，喘急不嗽，必有内毒。于太阳穴以口涎擦之，皮内隐有红点，知是麻毒内攻，无烧不出。用天保采薇汤，倍加升麻，于葛。一服额上见点，色不红起，面色唇口，惨淡无泽，知为内虚。即用固真汤，一服通身发热。陶公惊怖。予曰：麻非带热不出。仍服天保采薇汤，一剂通体透发愈，此见面色花杂，便知内毒之一验也。

培继楼同学庠友方恒绥一子，麻疹隐而不出，形症甚凶，邀予治。见其面色惨白，口气微冷，唇舌淡白，大便泄泻，即用八珍汤一服，额稍见点。恒绥因姪前麻疹，殒于泄泻，力迫止泻。予曰：分利更虚，不允。见口吻间觉以泻关性命，勉强用五苓散，果止。而额上红点即隐，又用十全大补汤内托，外用葱酒蒸引，卒不透发。予值事

语音不清，或谓不治。视其面疮肿起，正在贯脓，遍身皆然，非倒靨也。呛水呕食者，口唇肿硬，吞咽不便，非咽喉溃烂也。语音不清者，鼻中壅塞，气不行通，非失音也。疮毒尽表病，里和可治也。用苦参、酒芩、牛蒡、白蒺藜、何首乌、荆芥穗，等分为末，酒糊为丸。淡竹叶煎汤下，调理而安。时邻居一儿症同，谓不可治，或问故，曰：彼过期宜靨，此未成脓不宜靨，一也。彼肿胀犹实脓血，此则面平目开，皮脱肉干，二也。彼喉舌无疮，此则咽舌溃烂，呛水失音，三也。彼私与蔡氏求药，服之无效死。

胡氏女十三岁，痘甚密，或与参芪大补之。二十日后过期不靨，已溃烂。幸非倒靨，乃温补过多，里邪尽出，表毒不解，急宜解表，勿使皮肉腐烂。不信。又逾五日不收，乃用荆、防、升麻以解表，白芷以蚀脓逐水，连翘、牛蒡、甘草解郁蒸之毒。肺主皮毛，因黄芪之补，肺热已甚，时值夏火正旺之时，用黄芩以泻肺中之火，解时令之热，调理一月而安。

卢文学妻李氏，痘甚密，未及成脓，面疮自破，皮肿胀聚，气多腥臭，过期不靨，饮食渐少，锁喉呛水。曰：形症俱恶，恐不得痊。二十余日殒。

一小儿靨后又出一层小痘，其家惊忧。曰：佳兆也。痘科云：轻者作三四次出，大小不一等。重者一齐涌出，此痘最轻，且无余毒。发已尽矣。果然。

吴氏子三岁出痘，毒气有余，谷气不足，食少，故不靨也。问服何药？曰：无药可解，能食则生，不能食则死。次日思食，所食且多。曰：死急矣。问故。曰：谓能食者，久不食而今思食，自少加多，胃气复也。今忽多食，乃胃败火盛，邪火杀谷，名曰除中。犹膏之将灭，必大明而后熄，死在旦夕也。果然。

一小儿靨后，痂皮不脱。曰：此脾肺二经不足也。盖肺主皮毛，脾主肌肉，其气不足，故痂难脱。用钱氏异功散，加黄芪、桂而愈。

一儿痘后一身尽靨，痂皮尽脱，惟头与足不靨。曰：此常候也，

日早以前方加生军泻老黄恭，足冷，口秽气，唇干，午以归宗汤去青皮，加紫草、连翘、牛膝、生军、石膏一剂，夜发热，头汗，口流涎，舌唇淡白，未下；十一日，以归宗汤加连翘、牛膝、川贝、石膏一剂，午后泻金黄恭二更泻三次，虻三根，尿清，口有涎，以蛋油搽痂；以米泔水漱口；以乌药搽之；恐成疔也。上身腐；以秦凯和解散去参、扁三剂以调之，夜发热，面痘发，尿多；以猪胞食之止，又以前方加生地，连翘二剂而痊。半月后痂落未尽，或贯数粒脓，夜盗汗热，以清毒活血汤去芩、通、芍、参三剂，汗止，痂易落，血之热也，至此哉？月余泻青恭，尿如米泔，腹胀，以三白汤加木香、楂肉、革薨、防风一剂而止。月余牙疳，以泻黄散而全愈。

开远，痘后发热，烦燥，背上红斑，以生地、赤芍、翘、牛、荆、防、银花、元参、木通、甘草二剂，红散热退，足外臃发毒有深孔，此前之疔失挑也。以黄豆敷之，二日换洗，气臭，孔渐深大，不赤痛；以生芪、归、芍、荆、防、翘、牛、忍冬、牛膝、天丁、甘草二剂，出脓；以拔毒膏盖之，渐小而愈。

李九子，发热，鼻衄一次，二日半见点，大小便如常，人静。以利膈汤加山楂、木通一剂，出齐稀朗，胸背无，三、四分之痘，右锁口有痘，灯火焮之，不食；以九味神功散去参，喷嚏、微咳，足冷、头冷汗；以内托散去木香、肉桂、人参，加桔梗、梗米一剂，口渴作饱，泻白，身未温，头汗减，准备以木香、厚朴、生芪、白芍、防风、楂肉、甘草、桔梗、糯米一剂，渴止，腹胀，泻痰恭，夜烦热，头汗止；以青皮、腹毛、防风、桂枝、木香、前胡、云苓、法夏、砂仁、煨姜、甘草，又以银针挑承浆黑项痘，以明雄涂之，手足胀，头面不起；以内托散加糯米、桂、芪一剂，浆起；又食羊肉汤，面部未起顶，夜用内托散加芪、桂一剂，浆起，不渴。次日以内托散去朴、桔，加芪一剂，面微痒；又一剂，痒抓破，额痘出清水，恭红，口臭，夜热，此温补太过也。以四物汤去芍，加丹皮、紫草、木通、寸冬、翘、牛、芪、术、蝉退一剂，外以败草烧灰擦之，口唇收靥，额痘陷，泻四次；以四君子汤参换芪，加白芷、白

乌犀角一两 丹皮一两 银花一两 人中黄五钱 一、二时许服一茶杯。

二十四日 得大效，原方再服一帖。匀二日。

二十六日 于原方内减元参为三钱，加射干五钱 黄芩五钱

丙戌九月十四日，色，五岁。秋日燥气化火，现在君火客气司令，故有发痘之孩，本有自汗，何可再以羌活发汗，致令表虚，身壮热，肢厥，舌黄赤，口渴，脉洪大而数，晚间微有谵语，大便结，皆火证也；皮色黄，痘之顶平根松，气虚苗也。先以辛凉松肌摆毒清热，扶过七日，能用补托方妙。

生石膏五钱 元参三钱 炒黄芩二钱 苦桔梗三钱 连翘三钱
全当归一钱五分 牛蒡子二钱 银花三钱 人中黄一钱五分
紫花地丁二钱 外紫雪丹六分 夜间服。

十五日：险痘三天半，尚未出齐，稍大者业已顶陷，其为气虚可知；虽不大便，未可沉降，与活血提顶摆毒。

次生地五钱 苦桔梗三钱 全归二钱 元参三钱 牛蒡子三钱
黄芩二钱 连翘三钱 紫草茸三钱 白芷二钱 银花三钱
人中黄一钱五分 煮三杯，分三次服。

十六日：险痘四天，头面颜色虽重，腿脚甚淡，顶陷者不少，大便已见，舌尖有红刺，而苔白茅润易退，谨防大便溏滑，梦语仍有，口仍渴。且与辛凉清上，芳香透络，使火毒及热邪从内达外。

苦桔梗三钱 连翘三钱 天虫二钱 皂角刺二钱 银花三钱
白芷三钱 白茅根三钱 杏仁二钱 黄芩一钱五分 人中黄二钱 煮
三杯，分三次服。另和服局方至宝丹一九。

十七日：五天，陷者稍起，色渐匀，寐少安，舌苔白腻，是中官食滞未清；口仍渴，上焦之热未退。仍用前法，兼与和中。

杏仁三钱 苦桔梗三钱 白芷三钱 连翘半壳半心，三钱
藏红花一钱 黄芩二钱 丹皮三钱 南楂炭二钱 广皮一钱五分
皂针二钱 生甘昌一钱五分 另服局方至宝丹一九。

十八日：六天，身半以上清浆七、八，惟退过半，颜色尚属适中，

痰，肺痹重恙。

甜葶苈五分，竹茹钱半，郁金钱半，冬瓜子二钱。苏叶五分，杏仁泥三钱，前胡八分，枳实八分，粉沙参三钱，芦根一尺，枇杷叶四片，去毛，萝卜汁温冲一调羹。雄精四厘，西月石一分，生明矾七厘，礞石七厘，研细，竹沥一两，温调服。迨夜，小便不通，气更气促，另拟外治，用车前子二分、半夏一分、皂角一分、蜈蚣一只，去头，研末，先摊白布膏药，以回春丹一九、真麝香一厘半，研，放脐上，加上以药末，贴上膏药。

十九日五诊：昨肺痹不眠不尿，服药呕痰，二便略通，今转身热，热蒸咳浊，变幻须防。

豆豉一钱，黑山栀一钱，薄荷五分，光杏仁钱半，瓜蒌皮钱半，紫菀钱半，兜铃钱半，泡射干五分，通草五分，郁金钱半，冬、甜瓜子各二钱，辰滑石三钱，荷叶包，钩勾三钱，枇杷叶三片，天竹子钱半，慈孝竹一尺，另制雄丹三厘，制胆星三厘，研末，竹沥一两，温调服。

二十一日六诊：溲通，大便解，微汗热减，神情转振，惟顿咳口渴，暑邪犹恋，蒸痰犯肺，吸乳宜节。

冬瓜子三钱，光杏仁三钱，粉沙参二钱，紫菀钱半，郁金钱半，川、象贝母各钱半，竹、茹黄各一钱，连翘二钱，银花三钱，枯黄芩一钱，知母钱半，通草七分，天竹钱半，车前子钱半，包，西瓜翠衣六钱，芦根一尺。

二十七日七诊：顿咳稍爽，热势起，渴饮，幸小溲已多，大便亦通，肺痹之势已转轻象，再清暑泄热，肃肺化痰。

泡射干五分，紫菀钱半，杏仁泥钱半，黄芩钱半，竹、茹黄各钱半，青蒿子八分，滑石钱半，郁金钱半，川、象贝母各钱半，通草八分，车前子钱半，包，银花二钱，知母钱半，鲜竹叶二十片，芦根一尺。

咳势已大轻，嘱以慈孝竹、通草、冬瓜子煎饮，渐愈。

谢海昌，韶龄。戊午春暮感风邪，顿嗽甚剧，其则呕吐带红。叠

及城市，一家有病者，则其左右十数家，即迁移避之，踣于道者无算，然卒不能免也。甚至阖门同尽，比户皆空，小村聚中，绝无人迹、老子云，师之所处，荆棘生焉。由是观之，鼠疫之说，由来旧矣，是即所谓大瘟疫者也。大瘟疫之作，多半起于兵灾水旱饥荒之后。当必有一种臭腐恶气，布满空中。而人民当饥饿奔走劳役之余，未有不被其传染也。

今此项头脑剧痛，乃一部分之温毒，由口鼻而入，舍于膜原，上荫脑膜，发热如焚，其热如熏笼之蒸发，要知此种之热，与伤寒中风之热大是不同。伤寒中风之热，热在皮毛，自外而发，此热在肌肉。由内里而出。因疫邪早已熬灼津液。致余焰溢于外也。不食而呕，口吐黑水，疫在膜原，肺胃受灼也。项强两目红赤，太阳神经已受压迫。但求速死，其痛剧可知而知也。

脉沉细而数，与洪大而数，有浅深轻重之不同。头痛几两月。与头痛四五日，亦有缓急之判。但是沉细而数，毒虽深而症尚缓。洪大而数，毒虽浅而症甚急。若以前症作后症比较。恐不能延至两月之久矣。痛至两月之久，若再无良法救济。亦必血沉而坏。生死未可定矣。

方论 此方加用藿香白芷者，以二药皆芳香，香可逐秽。故加入破淤剂中也。或问脑膜炎症，既云忌辛温矣。今用桂枝，不令助热加重乎。答曰，脑膜炎是一种时疫，辛热固所当忌，但有时亦当以为佐使者。不可不从权也。设使尽属寒凉。而无一味活泼流动之品以参之。则凉药终时于纯滞矣。桂枝括萎汤，仲景为治刚痉柔痉之主剂，盖非桂枝无以通阳。非括萎无以活络。今括萎多用，微加桂枝，又何碍乎。

病者：武昌上新河殷复顺柴铺，嘉鱼人，其幼媳年十二。

病因：前因食滞，误食二丑及神曲末，以耗散其脾液。

症候：今忽发为头痛，沉闷昏不能举，心烦懊恼，渐至两目常闭，状类垂死而已。

苦杏仁 4.5 克 苏荷尖 1.8 克 象贝母 3.6 克 通草 1.5 克
橘红络各 1.8 克 赤茯苓 7.5 克 冬瓜子 7.5 克 生苡仁 7.5 克
忍冬藤 7.5 克 连翘 7.5 克 芦根 30 克 竹叶 20 片

吉和贵，2 个月，住南田乡，10 月 6 日诊。胸膈，痰鸣，人小病重。

僵蚕、蝉衣、苏荷各等分，研末每服 1 克。

杨传顺，男，6 个月，住九十亩，8 月 14 日诊。胸膈。橘红络、半夏、僵蚕、蝉衣、川贝、云茯苓各 1.5 克，研粉每次服 0.3 克。

8 月 20 日诊：胸膈减轻，新感发热。

苏荷尖 1.5 克 半夏 1.5 克 桑叶 1 克 僵蚕 1 克 橘红 1.5 克
大贝母 1.5 克 灯芯 0.3 克

《陆正斋医疗经验》

孔伯华

王男幼，四月十二日。湿疹解之未当，闭于肺络，遂致喘促，胸骨凸起，肺胀可知，口渴肌热，手纹紫长，亟宜辛凉芳化，豁痰以消息之。

生石膏六钱，麻黄三厘同煎 代赭石钱五分 桑白皮三钱
鲜芦根一两 鲜茅根一两 白僵蚕三钱 旋覆花钱五分，布包
桃仁泥钱半 杏仁泥三钱 薄荷叶钱五分 龙胆草钱五分 栝楼四钱
知母三钱 金银花四钱 地骨皮三钱 胆南星二钱
甜葶苈二钱五分

安宫牛黄丸一粒（分四角，每次服一角）

二诊：四月十六日。连晋前方药，证象渐转，喘息未止，但较前已缓，胸膈凸起尚未平复，肺部仍属肿胀，口苦糜痛，再依前方加减。

生石膏六钱 甜葶苈三钱 桑白皮三钱 鲜芦根一两
鲜茅根一两 旋覆花二钱半 代赭石二钱半 黛蛤粉六钱，布包